



Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Tertia, Qva Continentvr Hermiae Sozomeni
Salaminij lib. 9. Euagrij Scholastici Epiphanensis lib. 6

Christopherson, John

[Köln], 1569

De monachorum viuendi ratione, vnde cœperint, atq[ue] quos duces
habuerint. Cap. XII.

urn:nbn:de:hbz:466:1-12718

S O Z O M E N I H I S T O R.

ad modestiam erudiuit. Nam satis in se habuit authoritatis ad pudorem alteri incutiendum, quippe cum & veneratione dignus esset, & rerum admirabiliter gestarū gloria maxime nobilitatus: quinetiam cum eum & ætate anteiret, & dignitate sacerdotii. Præterea quām humanitus & benigne hospites excipere soleat, hinc cognoscere poterimus. Cum iam instaret Quadragesima, ex itinere quidam forte ad eum venit illis ipsis diebus in quibus vna cū suis ieiunia peragere confuerat, & ad statutū diem cibum degustare, cum diebus interpositis sine cibo omnino remansisset. Cumq; Spyridion videret hospitem valde de via fessum, age, inquit, o filia, primum viri huius pedes laua, deinde cibum ei appone. Vbi verò respondit virgo, neque panem in edibus esse, neque polentam (superuacanea nanque fuisset istarum rerum apparatio propter ieiunium) Spyridion cùm precibus deum inuocasset, veniamque petuisset, dedit mandatum filiae, vt carnes suillas, quas forte in ædibus habebat sale conditas, coquere. Quibus coctis, hospitem facit secum accubere, deque carnibus appositis comedere cœpit: hortatur hospitem, vt ipsum imitetur. Qui cum illud facere recusaret, diceretq; se Christianū esse, hāc ob causam, inquit, Spyridion, minus recusare deberes. Nā omnia mundā mundis sacræ literæ pronunciant. Atque de Spyridione hāc quidem hactenus.

*De monachorum viuendi ratione, unde cœperint,
atq; quos duces habuerint.*

C A P. XII

Per id temporis qui monasticum vitæ genus excolebat, cum ecclesiam maxime omnium illustrare, tum religionem Christianā suis piis viuendi institutis magnopere dilatare visi sunt. Nā talis & tam sapiēs vitæ ratio ad homines à deo tanquam res planè utilissima delata multiplicem scientiarum cognitionem & argutam disserēdi subtilitatē, veluti rem superuacanam, & otium, quod in præstantioribus studiis ponendum est, sibi surripientem, & ad vitam reæ instituēdam nihil afferentē adiumenti, penitus contēnit: solaq; hęc naturali quodam & minimè curioso prudentiæ gene-

genere docet ea, quæ vitiositatem vel omnino tollunt, vel
vehementer diminuunt. In nullo bonorum numero ducit
ea, quæ inter vitiositatem & virtutem media interiecta sunt
sed his solum quæ sunt verè bona, lætatur, atque eum qui
à malo quidem abstinet sed bonū non facit, improbū putat.
Nam non virtutem ostentat, sed eam exercet sedulo, proq;
nihilo dicit illam gloriam, quę ab hominibus colligi solet.
Animi quoque perturbationibus viriliter resistit, & neque
naturæ cedit necessitatibus, neque corporis imbecillitati
succumbit, sed diuinæ mentis nacta virtutem, ad omnium
rerum opificem deum semper aciem intendit: eum noctes
diesque sancte colere, & præcibus atque orationibus placare
non cessat. Atque animi puritate, & piis vitæ actionibus
deum religiose colere exorsa, expiations aspersionesque
& id genus alia aspernatur. Nam peccata solū habet pro in-
quinamentis. Quinetiam casus extrinsecus inuectos euin-
cit, & omnibus (vere dixerim) dominatur: atque neque per
turbatione vlla, qua vita solet implicari, neque necessitate
à proposito depellitur, neque onerata contumeliis, discru-
ciatur, neque incommodis affecta, se vlciscitur, neq; mor-
bo aut inopia rerum necessiarū pressa, animo cadit: imò
verò de his omnibus gloriatur, & per totam vitam, nihil a-
liud meditatur, quām vt res aduersas toleranter ferat, man-
suetudinē colat, paucis contenta sit, & quantum in humana
natura situm est, quām proxime ad deum accedat. Præsentis
autem vitæ bonis, tanquam in transitu vtens, neque solici-
to rerum acquirendarum studio angitur, neque ultra quām
necessitas postulat, commoda præsentia prouidet, sed vi-
tam simplicem, tenuem, & à cura harum rerum paranda-
rum liberam & expeditam laudat, animoque sollicito expe-
ctat beatitudinem, & ad sedem illam felicem proficiunt
omni tempore parata est. Ac dum pietatem erga deū cupide
semper consecutatur, turpium verborum obscenitatem fugit,
& ne vocem quidem ferre potest eorū, quorū facta à suo vi-
tæ instituto aliena censeat. Itēque res, quas natura postulat
necessario, in angustū cōtrahēs, corpusq; paucis contentū
esse cogens, tēperantia vincit libidinē, iustitia iniustitiā co-
ercet, & médaciū veritate: deniq; ordinis cōseruatione, mo-
dū in oībus rebus assequit. In cōcordia aut & coione erga
proximū

S O Z O M E N I H I S T O R .

proximos tuenda adeò piè se gerit, vt vtilitatibus tum amicorum, tum peregrinorum sedulò prouideat, suas fortunas faciat egentium communes, quæ sunt singulis accommodata suppeditet, & neque lœtantibus exhibeat molestiā, & dolore oppressos cōsoleatur. Ad summā, omni studio & industria incūbit ad id prosequēdum, quod est reuera bonū, verbis modestis & sapiētibus sententijs eos, qui sunt nimis exquisitæ elegantiæ, & inanis orationis expertes instruit, & tanquam medicamentis quibusdam auditorum animos sanat, & honore ac reuerentia adhibita, verba facit, estq; à cōtentione, conuictio & ira, prorsus vacua liberaq; . Nam cum sit rationis particeps, omnem motum rationi contrarium auersatur, & perturbationes tam corporis, quam animi omnino euincit. Hanc præclaram viuendi rationem primus, vt quidam memorant, instituit propheta Helias, & Ioannes Baptista. Philo porrò Pithagoræus tradit Hebræorum facile præstantissimos vnde q; in locū ad lacū Mariā in colle sitiū coactos, se pio & seuero vitæ generi dicasse. Quorū domicilia, victus rationem, & institutionem vitæ tales perhibet, qualem nos etiam hoc tempore à monachis in Aegypto obseruatam videmus. Sribit enim eos, cum in hoc sanctum & seuferum vitæ genus primum ingrediuntur, sua bona cognatis concedere, & quò commercia cum hominibus, aut consuetudinem habere deuitent, extra muros urbiū in agris solitarijs & hortis ætatem degere: sacras ædes illis esse, quæ vocantur monasteria: in quibus ab alijs separati, sanctæ & seuerae vitæ mysteria obeunt: Deum præterea psalmis & hymnis assiduè colere, & ante solis occasum nullum gustare cibum. Nonnullos eorum toto triduo aut amplius nihil comedere: statis diebus humi cubare, à vino prorsus, & carnis animalium, quæ sanguinem habent, abstinere. Obsonia illis esse, panem, salem, & hyssopum: potum autem aquam. Mulieres porrò cum illis viuere, quæ virgines manent ad extremam usq; senectutem, easque propter amorē pietatis & Sapientiæ sua sponte vitam cœlibem excolere. Quæ dum ad hunc modū narrat Philo, videtur eos significare Hebraeos, qui sua ætate religionem quidem Christianam professi fuerāt, adhuc tamen morem Iudæorum aliquantulum in vita sequabantur,

& co-

& eorum instituta seruabant. Nam apud alios hoc genus
vitæ nō reperitur. Vnde cōiicio apud Aegyptios ex eo té-
pore hoc ipsum floruisse.

*De magno Antonio, & sancto Paulo, illo vide-
licet simplici.* CAP. XIII.

MEmorant porrò alii persecutionum procellas, quibus
religio Christiana varijs iactabatur temporibus, ho-
mines ad hoc vitæ genus suscipiendum impulisse.

Nam cum fuga facta in montibus, solitudinibus, & syluis
ætatem agerent, huic viuendi rationi paulatim assuefactos
esse. Verūm siue Aegyptij, siue alijs huius piaæ vitæ au-
thores fuerunt, illud certe cōstat inter omnes quod Anto-
nius magnus ille monachus perfectis pietatis institutis,
& exercitationibus ad eam rem accommodatis, hoc vitæ
genus ad summum perduxit. Quem id temporis in solitu-
dinibus Aegypti magna cum nominis & famæ celebritate
vitam degentem Constantinus Imperator propter eius vir-
tutis spléodore sibi amicū fecit, literas honorifice scriptas
ad eū misit, magnopereq; horatus est, uti pro rebus, quarū
indigeret, ad ipsum scriberet. Erat hic quidem ortus ex ge-
nere patritiorum, qui Comā (est is quidē pagus prope He-
racleā apud Arcades Aegyptiis finitimos) incolebat. Qui
cū adolescētulus esset, orbus relictus, agros paternos pagi
illius incolis donauit: reliquisq; facultibus diuenditis, pre-
mium pauperibus distribuit. Nam hominis veræ sapiētię &
pietatis studio dediti officium esse dixit, sic prouidere, ut
non modò se ipse bonis exueret, verūm etiam eadem in-
vitus oportunos insumeret. Quin etiam cum his, qui id
temporis pietatem sedulo colebant, vitam degēs, omnium
virtutes studiose imitatus est. Vitam autem honestā licet
initio acerbam, consuetudine tamen iucundam fore puta-
uit. Modos disciplinæ seuerioris excogitās, magnas indies
fecit in continētia progressiones: & velut de integro sem-
per incipiens, alacritatem animi renouauit. Atque ut vo-
luptates corporis quibusdam coercuit afflictionibus,
sic voluntate diuinæ sapientiæ præceptis informata, animę
perturbationibus restitit. Erat ei cibus, panis solum & sal:
potus